



Hvmanae Salvts Monvmenta

Arias Montano, Benito

Antverpiae, [1571?]

In Dauidis effigiem. Carmen Tricolon Tetrastrophon XXIIII.

[urn:nbn:de:hbz:466:1-68924](#)

In Dauidis effigiem.

CARMEN TRICOLON TETRASTROPHON XXIIII.

DOCTVM innocentⁱ pectore perpeti
Casus, labores, exilium, minas,
Iras, furores ac superba
Monstra, virum canimus domantem:
Decepta cui non fædera centies
Regis minacis & nimium feri,
Ostensa nec vulgi repulsa
Spemqz, animiqz, fidem repellunt.
Responsa magni & consilium Patris
Dum mente certus concipit integra,
Audax vel obiectos per ignes
Ire valet, superatqz victor.
Calo minantis, gentibus & feri,
Horrenda vasti tempora Goliæ,
Assertor atque ultor suorum,
Stravit humi caput & recidit.
Vincenda semper prælia, & hostibus
Ante inquietis impositum iugum,
Sperare iam primis in annis
Vrsa cadens dabat & leæna.
Incisa quondam marmore duplaci
Præcepta verbis ac digitis Dei
Curauit, & morem sacrorum
Constituit, celebresqz ritus.
Idem efficacis munere barbyti
Victura dixit carmina, quæ Draco
Antiquus audire obstupescat,
Quæqz probet Deus & secundet.

DIVI-



DIVINÆ VERITATIS ARGVMENTVM.

Otia honesta Deo, cuncta atq; negotia summo
Quæ dicat, hæc multis vita beata modis.



REGI FORTISS. INTEGERR. PIENTISS.
VATI DVLCISS. POS.